

浮山縣志

晉城任耀先署簽



土集

藝文上

浮山縣志卷四十

藝文

古者宣化致理必徵文獻而采聲詩雖蠹簡俚謠有俾風化非徒鞶帨爲上也浮邑若桑樞蜜邢學士輩胥以文顯當代而舊帙多散佚弗存二公後作者遂雅不槩見今博採歷代關於茲土者或爲記爲銘爲序爲論爲贊以及爲詩爲歌不憚盡述覽其言可以觀代可以觀俗可以觀政故輯邑乘者以是終焉志藝文

歷朝御製

漢

浮山縣志

卷四十

藝文上

一

宣帝嘉霍光詔

大司馬大將軍博陸侯宿衛孝武皇帝三十餘年輔孝昭皇帝十有餘年遭大難躬秉義率三公諸侯九卿定萬世策以安宗廟天下蒸庶咸以康甯功德茂蓋朕甚嘉之復其後世疇其爵邑世世毋有所與功如蕭相國

宣帝封霍雲詔

宣成侯光宿衛忠正勤勞國家善善及後世其封光兄孫中郎將雲爲冠陽侯

唐

元宗龍角山慶唐觀紀聖銘

神也者妙有物而爲言化也者應無方而成象言豈立神之主象微宰化之知苟言象之不存焉則神化或幾乎息矣窮神而極化者豈唯空空之人乎我遠祖玄元皇帝道家所號太上老君者也建宗於常無有立行於不暵昧知雄守雌爲天下谿知白守辱爲天下谷故能長上古而日新雕衆形而化溥正萬物而不爲戾澤萬代而不爲仁魏乎不睹其頂深乎不測其極復歸無物存教遠以立言奄有大清感聖期以利見肇我高祖之提劍起晉太宗之杖鉞入秦鵬搏風雲麟鬪日月夏臣醜而已去殷鼎輕而未徙老君迺洗然華皓白驥朱髦見此龍角之山示我龍興之兆語絳州大通堡人吉善行曰吾而唐帝之祖也

告吾子孫長有天下于是一聞赤伏而萬姓宅心一麾白麾而六合大定傳曰有聲之聲不過百里無聲之聲延及四海非夫神昌明德翕叶人祇者與善行以武德三年二月初奉神教渺無明徵莫之敢洩至四月老君又見曰石龜出吾言實于時太宗爲秦王討宋金剛搃戎汾絳晉州長史賀若孝義以其狀上啓遽使親信杜昂就山禮謁俯仰之際靈兒察焉昂馳還曰信矣迺遣昂善行乘駟表上北至長安適會郇州獻瑞石如龜有文曰天下安千萬日高祖徵其二異 善行朝散大夫命舍人柳憲往祠焉玉帛旣陳尊儀復見其始覲也杲杲炁炁若紅峯綠嶺吐春日之光景其卻隱也蕭蕭條條若雨息雲消視秋天

之沉謬來莫知其所自去莫辯其所往出于寂寞入于惚恍蓋不可得而詳諸汾陽之龍角山者天帝降福之庭高祖用師之道 上有華池靈府下有石穴洞宮氣接姑射集神仙之別館脈通霍鎮潤珠玉之隣家高祖以鸞轡頻迴霓裾累縈故版廟于行過之所劃壇于受命之場刻飾聖容彩繪眞衛神光離和殿堂宛轉于空間雲氣踟躕笙磬往還于天路因改浮山縣名神山焉志靈應也是歲仲秋及五年三月晉州奏老君言我毫廟之中枯柏更生子孫當王又云我神兵助軍伐劉黑闥立夏當平事過如言皆先事之讖也示後太宗眞觀剽喬雲泊于廟宇高宗垂拱剽卿雲涌于神座今又祠中柏樹蒲萄裹而托根

門端根木枯枝蕊而還茂疊黛豐本璞翠繁樹聚祥煙之青靄黝黝一色散佳氣之葱鬱鱗鱗萬重識者以爲太和暢陳朽之徵工會納殊隣之象懼彼虛應搖然夕陽朕演靈金根纂命璿宸舊學道記常味至言是用假途禮樂託宿仁義尋末以窺本澄粗以詣精爲無爲于此心事無事于天下而宗稷大福寰縣小康實上祖惠無疆之休亦下人率自然之化夫維幽容昭見偉事也神告帝符瓊瑞也發祥善行吉類也慶雲重代鴻 也戎菓附植合異也槁幹華滋蕃熾也此六者興王之嘉祉曠歷之絕紀者也朕不敏頗聞君子之教矣繼其後者天其祖習其訓者父其師揄揚道德情存孝敬商頌美乎成湯周雅尊乎后

稷先王之舊典也吾豈墜其文哉夫戴角之類龍爲之長羊也  
定形而不易龍也神化而無端龍蓋五土之精國家築土而王  
故改山號名龍角焉迺銘金石以彰靈變詞曰思文聖祖元默  
雷聲混兮無名超兮至清清入神舍名捐物假身尊玄元後有  
天下高祖鳳翔雲舉晉陽太宗龍戰風趨秦旬龍角僊都王師  
戒途聖形入有神言出無瑤衣玉騎告帝天符神方據我人亦  
來蘇迺立清室微微謐謐衆仙停蹕迺興慶雲氤氳氳氳再瑞  
明君庭有柏兮遠菓寄秀門有根兮痠條更茂顧慙菲德蒙神  
之祐誦我道經介我神聽繼明五聖裡事三靈請從格言天德  
出寧大道幽蔭湛慈廣接意路何階言津難涉化有影響神無

浮山縣志

卷四十 藝文上

四

華葉開元十七年太歲在己巳九月己丑朔三日辛卯建

皇太子鴻長慶三年三月十八日題

晉慈等州都團練觀察處置等使朝議郎檢校左散騎常侍兼

御史大夫賜紫金魚袋李寰

監軍使朝議郎行內侍省內府局丞員外置同正員上柱國賜

緋魚袋吳再和

左神策軍監鐵冶使朝議郎行內侍省內府局丞張令綰

皇兄開府儀同三上柱國寧王憲

皇弟太保上柱國薛王業

皇堂兄上司空上柱國王守禮

皇子涼州都督兼河西諸軍州經略節度等大使慶王

皇子單于大都護朔方軍節度大使兼關內道支度營田等大

使惠王浚

皇子太原牧太原以北諸軍州節度大使河東道支度營田等

大使棣王洽

皇子幽州大都督河北道諸軍州經略節度大使兼支度營田

等使鄂

皇子京兆牧持節隴右道諸軍州經略節度大使兼支度營田

大使榮王

皇子廣州都督兼嶺南五府經略大使光王湑  
皇子河南牧儀王維  
皇子安東都護平盧軍節度大使支度營田兩蕃等大使潁王

皇子荆州大都督永王澤  
皇子益州大都督劔南諸軍州節度大使兼支度營田等大使

壽王清  
皇子安西大都督護持節磧西節度大使四鎮瀚海經略支度

營田等大使延王湏  
皇子持節揚州大都督盛王沐  
皇子濟王溢

禮部尚書朔方軍節度等副大使信安郡王禕  
左威衛大將軍員外置同正員上柱國嗣舒王津

衛尉卿員外置同正員嗣許王瓘  
宗正卿員外置同正員嗣徐王瓘

宗正卿員外置同正員嗣鄭王希言  
宗正卿員外置同正員嗣彭王志

宗正少卿員外置同正員同安郡王洵  
太僕卿員外置同正員汝陽郡王淳

浮山縣志

卷四十藝文上

太僕卿員外置同正員河東郡王沂  
國子祭酒員外置同正員嗣韓王訥

太子僕員外置同正員湖陽郡王宗暉  
太子贊善大夫員外置同正員樂安郡王洋

滄州刺史兼海軍使嗣魯王道堅  
銀青光祿大夫守兵部尚書兼中書令河西節度經略支度營

田九姓長行轉運等副大夫仍知節度事判涼州事赤水軍  
使上柱國蕭嵩

中大夫守中書侍郎同中書門下平章事兼御史大夫裴光庭  
中散大夫守黃門侍郎同中書門下平章事上柱國宇文融

左常侍充東都副留守崔沔  
左常侍上柱國畢國公瑒

特進行尚書左丞相集賢院學士修國史上柱國燕國公臣張  
說

奉勅題御製御書字  
開府儀同三司行尚書右丞相上柱國廣平郡開國公宋璟

特進新羅國王金興光  
特進龜茲王天山郡開國公白孝節

特進永壽郡王沙陁輔國  
太子少傅上柱國安隅縣開國侯源乾曜

冠軍大將軍右驍衛大將軍兼判將作大匠岳陽縣開國公	鎮軍大將軍右驍衛大將軍上柱國柳城郡開國子葛福順	冠軍大將軍行右監門衛大將軍員外置同正員知內侍上柱	侯高力士	冠軍大將軍守右監門衛大將軍知內侍上柱國渤海郡開國	驃騎大將軍兼右驍衛大將軍員外置同正員內侍上柱國虢	陰并建碑年月日	王棣王鄂王榮王光王儀王穎王永王文章臣呂向奉勅碑	賢院學士翰林院供奉車都尉贊論皇太子兼侍慶王忠	勅建造摩勒龍角山記聖碑使朝議郎守尚書主客郎中集學	史柱國晉陽縣開國男白慎	勅檢校唐觀使銀青光祿大夫使持節晉州諸軍事晉州刺	銀青光祿大夫行侍內省內侍員外置同正員上柱國尹鳳祥	太原尹上柱國姑臧縣開國伯北都留守李休	京兆尹上柱國高邑縣開國男李尚隱	浮山縣志	河南尹上柱國霍庭玉	少府監安昌縣開國子馮紹正	開府儀同三柱兼殿中監上柱國霍國公王毛仲	國子祭酒上柱國楊	太府卿弘農縣開國侯揚崇禮	鴻臚卿員外置正員駙馬都尉瑯琊郡開國公王繇	試鴻臚卿柱國田賓庭	大理卿上柱國李朝隱	衛尉卿員外置同正員駙馬都尉榮陽縣開國公鄭萬鈞	衛尉卿安定縣開國伯皇甫忠	檢校光祿卿上柱國裴觀	秘書監員外置同正員	都尉薛鏞	秘書監上柱國王詢	太子賓客上柱國異國公竇希球	太子賓客上柱國正平縣開國子裴淮	工部尚書上柱國武城縣開國男充東都留守崔隱甫	刑部尚書上柱國固安縣開國子盧從愿	戶部尚書上柱國中山郡開國公王峻	太子少保上柱國克國公陸象先
-------------------------	-------------------------	--------------------------	------	--------------------------	--------------------------	---------	-------------------------	------------------------	--------------------------	-------------	-------------------------	--------------------------	--------------------	-----------------	------	-----------	--------------	---------------------	----------	--------------	----------------------	-----------	-----------	------------------------	--------------	------------	-----------	------	----------	---------------	-----------------	-----------------------	------------------	-----------------	---------------

浮山縣志

卷四十藝文上

冠軍將軍右金吾衛大將軍郢國公張  
冠軍將軍左金吾衛大將軍上柱國廣平縣開國公程怕獻

浮山縣志

卷四十 藝文上

七

宋

眞宗太上老君混元上德皇帝册文

維大中祥符七年歲次甲寅正月戊子朔二十一日戊申嗣天子恒謹再拜稽首言伏以先天地母萬物大道強名而混成一希夷總衆妙元聖無私而獨運肆結繩之上世逮垂旒之應期必敦清淨之風乃洽淳熙之化伏惟太上混元皇帝神凝氣祖粹蘊帝先紀學以演眞宗襲明而開道奧玉虛善應俾炎皞以得師冲用無方歷商周而降跡聖母發祥於夢日宣父興歎於猶龍微言闡幽大像垂教二儀長久本清甯而不居兆庶樂康資恬淡而無欲首出萬古式是百王天付生民運輿有待烈祖

浮山縣志

卷四十 藝文上

八

之開創神宗之治平尚慈儉爲永圖遵朴素爲常道慶鐘長發猥及渺躬寶籙葳蕤惟新於元命玉音昭晰親覲於神期喻皇世之有開示高眞之幽贊上帝克享妙本是依然則造物不私焉之日用爲民祈福庶稟上仁是敢仰止靈區虔伸頌拜周爰徽號益表欽崇夫恍惚無形生三爲大茲之謂混元淵默守中吹噓萬化茲之謂上德雖善貸常存於不有而可名恭薦於至誠謹攝太尉推忠協謀同德守政佐理功臣王旦奉玉册玉寶上加徽號曰太上老君混元上德皇帝伏惟因大成而曲全務守道而貴德儲祉善慶保鴻基之配天鑒降勤行佐冲人之治國萬方福壽世祚千億謹言

眞宗訓廉銘

二銘退思堂有刻石不知沒於何時

周典六計吏治條陳以廉爲本乃良而循肆彼貪虐與豺虎均肥於其家多瘠吾民縱逶於法愧其冠紳貨悖而入菑及後人我朝忠厚黜貪爲仁咨爾羣辟是訓是遵

訓刑銘

民吾同胞疾痛猶已報虐以威刑非得已仰惟祖宗若保赤子明謹刑獄惻怛溫旨金科玉條毫析銖累夫何大吏蔑棄法理逮於郡邑濫用笞箠興聽朕言式克欽止

徽宗顯施廟勅

尙書省牒平陽府神山縣顯施廟牒奉勅山川之神能出雲雨

浮山縣志

卷四十 藝文上

九

慰民之望以惠一方必報其功寵以封號守臣言爾威靈有赫甘澤應祈是用錫爵爲侯式隆祀典其尙歆茲休命大芘斯民俾屢獲于豐年則無愧于廟食宜特封嘉潤侯牒至准勅故牒宣和七年七月

明

世宗敬一箴并序

夫敬者存其心而不忽之謂也元后敬則不失天下諸侯敬則不失國卿大夫敬則不失其家士庶人敬則不失其身禹曰后克艱厥后臣克艱厥臣五子之歌有云予臨兆民如朽索之馭六馬爲人上者奈何不敬其推廣敬之言可爲明矣一者純

乎禮而無雜之謂也伊尹曰德惟一動罔不吉德二三動罔不凶其推廣一之之言可謂明矣蓋位爲元后受天付託承天明命作萬方之君一言一動一政一令實理亂安危之繫若此心忽而不敬則此德豈能純而不雜哉故必兢兢懷畏慎于郊裡之時儼神明之鑒享發政臨民端莊戒謹惟恐拂于人情至於獨處之時思我之咎何如改之不吝思我之德何如勉而不懈凡諸事至物來究夫至理惟敬是持惟一 是協所以盡爲天子之職不忝厥祖厥親由是九族親之黎民懷之仁澤覃及於四海矣朕以冲人繆承丕緒自諒德惟寡昧勉而行之欲盡持敬之功以馴之乎一德其先務又在虛心寡欲驅除邪逸信任耆德

爲之匡輔敷求善人布列庶位斯可行純王之道以坐致太平雍熙至治也朕因讀書而有得焉乃述此以自勗云人有此心萬理咸具體而行之惟德是據敬焉一焉所當先務匪一弗純匪敬弗聚元后奉天長此萬夫發政施仁期保鴻圖敬怠純駁應驗頓殊徵諸天人如鼓答桴朕荷天眷爲民之主德或不類以爲大懼惟敬惟一執之甚固畏天勤民不遑寧處曰敬惟何怠荒必除郊則恭誠廟嚴孝趨肅于明廷慎于閒居省躬察咎儆戒無虞曰一維何純乎天理弗參以三弗貳以二行顧其言終如其始靜虛無欲日新不已聖賢法言備見諸經我其究之擇善必精左右輔弼貴于忠貞我其任之鑒別必明斯之謂一

斯之謂敬君德既修萬邦則正天親民懷永延厥慶光前垂後  
綿衍蕃盛咨爾諸侯卿與大夫以至士庶一遵斯謨主敬協一  
罔敢或渝以保祿位以完其軀古有盤銘目接心警湯敬日躋  
一德受命朕爲斯箴拳拳希聖庶幾湯孫底于嘉靖

代宗遣祭帝堯文

茲者謹遣太常寺寺丞李希安致祭於帝陶唐氏曰方今山西  
民困極矣加以久旱穀用無成民生罔賴此誠予之不德所召  
惟神至仁獨不動憫念乎况素以庇民得祠者尤當不可緩也  
尙望廣布霖雨大作豐年非獨予免夙夜憂惶神亦可隆始終  
惠譽特攄虔懇專俟感孚謹告

碑

宋

晉州神山縣龍角山慶唐觀重修功德碑

原夫太極始判有物混成首四大于域中祖萬氣于天下乾坤廣博不能易其生成寒暑推遷由是拘其運數兮功不宰羣生仰之爲鴻鈞至德無方列聖資之安大寶兮元氏以類修真之爲用能大辨而立言垂世不誣後生有作是以圖形設像將羅誘于羣心仙籙真人遂鼎分于三教有以見強名之理元始之風于是乎在矣我朝斷鰲立極開國承家拯塗炭而生靈其蘇復仁壽而寰區再造三正五勝赤幟彰受命之符帝子天孫黃

浮山縣志

卷四十 藝文上

十一

耳定卜年之兆皇上當璧繼聖乘龍御時執左契而獄訟清不尙賢而愚智服珠連璧合符睿德于銅渾合穎兩岐紀豐年于玉牒自是政敦清淨心簡兮元訪處子于姑射之阿凝嘉祥于華胥之域故得嗒嗒浮俗厥心弛而再張蕩蕩羨門其教息而後舉慶唐觀者武德二年置老君五見之所也始則載馳朱鬣戾止碧峯告我本支降而福應王人肯構多新輪奐之功仙客棲心遂得窈冥之室旣而龜跌峙岳象帝當陽軒窗邃而金碧明殿宇迥而塵埃絕煙霞不老旁連珠玉之山草木有靈信是神仙之境壬午歲自季春不雨怠於林鐘旱魃益驕新谷將瘁幾失民望咸憂地征都維邠梁稠密跡隱大田傑出白社乘見

善則遷之勢慕當仁不讓之心因率乃至誠扣于仙路而曾不終日已感全靈油雲俄起于大空膏澤遂周于下土連宵迨旦布葉流根伫多稼之如雲是穰是莠終餘糧之棲畝如坻如京雖元祖之靈感有聞亦由我后貶食罪已自然之應也于是鳩衆人命良工編金裝太上老君一尊五彩裝侍從十事兼修常住房庫一十二間莫不德音如在嚴飭有加服翠羽而踰躡面紫金而璀璨列仙儼若將趨丹闕之朝大聖穆然高據五雲之座旣休厥作益壯其猷乃徵琬琰之文式叙丹青之績報大君之亭育斯謂良圖闡老氏之神明且酌前志明率張昭舉尊道貴德雪白蘭薰操心而不染脂膏御物而盡懷仁惠盤根錯節

浮山縣志

卷四十 藝文上

十二

自追虞詡之蹤絃而歌之迥洽蜜人之政主薄孫方制縣尉李太素並桂堂先覺槐市上流華其才子之辭實乃古人之行棲鸞屈致象雷方惜于大賢振鷺高飛負宸已虛于左席觀主徐子勤等脫屣欲界並駕兀宮名高赤水之珠光而不耀秀稟函關之氣久而彌芳姑同勵于初心俄有終于盛事千里猥蒙見託深愧諛才妄探象妙之宗謬紀靈仙之跡天長地久庶借此觀而永存進牘抽毫甯避通人之所誚銘曰邈哉大器先天地生寂寥無聲莫知其名師諸后辟祖乃生成善行不恃元功自名<sup>其</sup>於澤元祖時惟聖人與之借用能辨其真簡編舉溢儒釋等倫像設有自泉流不眠<sup>其</sup>山聳龍角觀闢慶唐聖駕載見仙

跡重光北隣霍岳西接汾陽鸞鶴還往煙翠交相其旱暵爰作

人斯匪違誠信洞啓靈威潛彰蠲彼災害告爾農穰我福孔夷

何有不臧其誰謂下民不知帝力雙桂盛容兼金潤色據凡南

面疑朝紫極霓節羽衣威儀揚抑其元獻方遠我教益振徒觀

其妙不測其神載煥斯事用紀翠珉識者不誚將期億塵其朝

散大夫試大理評事張昭舉文林郎守主簿兼權知縣事黃元

轍文林郎守主簿孫方制權知縣尉事李太素鄉貢進士王千

里撰雲水道士黃慶書清化元三月二十九日

天聖宮紀事碑

孫景文

伏惟太上老君混元皇帝青牛命駕紫氣度關執大象以臨人

浮山縣志

卷四十 藝文上

十四

百王共貫烹小鮮而治國千古同規既推輪於衆妙之門遂脫  
歷於三清之境逮夫有唐之受命也肇從全晉起革暴隋止海  
水之橫流非徒夏禹補天綱之幅裂豈特媧皇尋追五讓之蹤  
旋定一戎之業則高祖神堯皇帝迺太上三十四代孫也猗蘭  
葉茂仙李陰穰發源雖自隴西溯本實繫苦縣老君以唐武德  
二年二月內降於平陽神山縣龍角山之根子樹下衣冠儼若  
鬢髮皤然白馬在前耀熒煌之朱鬣青童侍側對綽約之紅顏  
時里民有吉善行者見而拜之因謂善行日爾爲吾言於唐皇  
帝吾即汝之遠祖也汝方爲太平天子國祈靈長吾已大勅陰  
兵助汝破賊言訖不見善行既蒙神告即詣長安時神堯甫定

關中方圖外畧既聞所奏之歷數在躬乃命左親都督杜昂寅奏皇華就於本山致祭精誠上達盼嚮下同俄於大樹之間再見猶龍之表至於告諭又極丁寧神堯既嘉受命之符且思遵祖之義乃命有司於所見之地建立祠堂仍勅四時備禮享獻其後太宗降王世充於洛邑擒竇建德於武牢自餘羣兇相次殄滅六合大定不出數年則是聖祖之貽謀雲孫之受慶影響之應豈不昭昭哉開元中明皇帝荷六葉之丕晷席千齡之景運感昊穹之靈貺恢烈祖之耿光十四年七月始下詔改老君廟爲慶唐觀仍御書觀額及碑文以賜之宸翰縱橫寶章飛動金聲玉振吐天上之蘭辭鵲返鸞迴降日中之玉宇麗藻朝輝

於巖壑銀鈞夜燭於星辰遐稽善美之言迥極天人之際觀內正殿曰老君殿老君殿之次曰三清殿三清殿之次曰三皇殿內有高祖至明皇帝六聖玉容左右鸞翔東西鳳翥日角龍顏之像若照千官垂衣端拱之儀如臨萬國文堯之舜其在茲乎先是斯觀營繕之初困於無水公輔爲之失色衆人於焉疚心無何山椒之間瀑泉噴湧枉道屈曲流於觀中號曰華池大濟工役旣人工之告畢而神瀆之赤枯皇朝景德二年二月十五日有甘露降於老君殿之前柏樹凝如天醕湛若帝漿旣呈五色之祥迥掩三危之味尋又有白鶴來翔碧空雅同遼水之歸不讓華亭之唳聲震遐邇幾乎浹旬符瑞至多不可殫紀二千

石旣累蒙茂祉尋達聖聰俄奉璽書俾如締構自正殿之外凡蓋前後三門暨道院行廊之所內外大小總三百餘間初觀之東南其峯峭拔藤蘿盤屈素有洞宮名之珍珠多歷年所唐大曆中嘗勅以玉簡金龍投於此洞至晉天福年間有奉使新羅者及至其國見向之二寶俱汎出水中旣還長安因表以進之又其洞之內每風恬霧霽往往聞笙簫管磬之音若鈞天九成髣髴在耳厥後時罹凶歉郡起螟蝗一方無蠡賊之虞此屋有京坻之望雖上資於帝力實允賴於神休天聖五年夏四月詔改慶唐觀爲天聖峨峨秘宇陋白鶴於南山肅肅珍臺掩青羊於西蜀輪奐壯麗稱爲最焉每歲月及正陽奠開八葉此邦士

庶霧列星馳或修香火以告虔或備蘋蘩而致潔口祝其矣福祐隨之蚩蚩之民有足依怙六年道衆以斯觀自始崇葺三百年蓋因高就基實去水逾遠汲取之事我勞如何今若大備吉蠲式遵科教庶竭惟精之懇期廷善利之祥於是樂佳景之流行步綱之法寅祈太上欲浚靈長乃於道院之東神厨之後方幸天從於人欲俄驚闢地以及泉厥味甘可飲丹山之鳳其源不濁如分楚國之波雖貳師之刻山耿恭之拜井未之逮也自是齋殷之事洒掃之資人無所勞用斯不匱非夫太上威靈所及疇能至是耶七年會令尹東平呂君化元用卓魯之才出泣斯邑旣典一官之職尋躋三異之名與廣平焦君季卿共凜

詔條叶宣風化苟政有所缺力而行之一日自公之餘同詣斯觀周覽勝槩嘆異久之因謂本觀都監賜紫道士梁志貞監觀賜紫道士段見素曰此觀肇自皇唐迄於有宋雖代數悠邈而感應滋多矧近奉天恩且更觀額而始終事迹紀述未遑盍求白地之文以志他山之石庶垂來裔不泯徽猷二君子感慨是言欲圖不朽且以慎言素慕神仙之道粗之辨學之源爰俾抑揚靡克誚讓含毫增愧謹作銘云混成之教先天地生萬物之母三才之精猗歟老氏道不虛行赫赫宗唐實稱後裔寅奉眞源欽承寶位惟堯之都是爲福地命氏考姓實惟賴鄉旣開兆朕乃建祠堂承襲欽奉煥乎有光革廟爲觀五位辨方炎宋勃浮山縣志

卷四十 藝文上

十七

興誕膺駿命道冠百王恩加億姓始改慶唐謂之天聖輪奐愈尊焚香益盛粵有上士含和保眞爰啓麗藻俾刻芳珉元

陶唐清都萬壽宮事跡碑

教諭 王庭

全眞之門有主清都者元道純梁道泫來謁曰先師元素子以非常道立觀度人勤勞甚至今己神棲玄宅顧洪衍之恩惜不可泯先生效儒業假撰述用彰厥美願也按善狀師名志玄族孫氏俗爲河東萬泉人幼穎悟遭世變故翻然入道蓬轉求師得甯神子張君於代之神罔躬禮爲引度祇承元素之號及甯神遷治王屋之靈都師亦行丐而南一夕夢遊清都境覺與謝

智之流踪跡之忽遇今治觀其罔阜宏敞樹木蔚茂適與夢同  
會駐烏間爲故縣豪趙貞趙鏗等衆聞知輒詣山尋訪訝爲異  
人以主持請遂感動遠近接襟音者日有增新於是起堯殿於  
舊貫居右別置混元殿并道院居左次之耕稼外土田數十頃  
有奇爲常住資功甫告成請額於上嗣教清和真人署以清都  
名宮師曰先定也其何敢辭居無何責付後事於門下希眞大  
師王志實與道純輩叶贊行之晚年歸寂靈都示不忘本也志  
實等克遵遺命不墜先業至欲褒贊事功稱揚父師足可嘉尙  
其餘憑藉聲焰星居四方者不必殫舉究源委皆自元素之傳  
噫師之幼夢果何如哉意者謂志堅行篤必有陰相神助然以  
浮山縣志

丐食煉性立事紀功任人歸老較之又何夢頃之囿哉合是數  
說不得不善以辨之仍繫其詞曰道有名師甯神之詞苟造物  
之所戲遽尋此而安置聲聞漸馳其徒則朋從爾思其居則棟  
隆而責猗歟猗歟其道尊其德貴壽則考名則遂可謂備矣雖  
未暇擬化蝶乘風與槐安邯鄲百慮而一致也山石旣礪揭茲  
銘志一則明永保爲國祈祥之地次以召後來者存念本知報  
之意焉至元二十九年二月

頌

唐

龍角山慶唐觀大聖祖元元皇帝金籙齋頌并序

崔明允

空洞之中溟滓之際靈文尚矣混成朕焉混成者何象帝之光  
靈文者何龍漢之季五劫交周尊神遞運九炁列正无始常然  
治於流火之庭練於洞陽之館二儀得之以定位三景得之以  
發光赤明開圖碧落普度元元奄有大道遂荒寔宗天塵之以  
無倪皇仰之而未及羲軒應運堯舜乘時均至化而思齊酌元  
風而殆庶獨立千古湛兮若存首出百王悠兮不極矣粵若祖

浮山縣志

卷四十 藝文上

十九

聖系龍神宗先天不違後天繼代錫胤慶遠派源流長國家纂  
丕欽承前烈三合壹德六葉同道平陽郡元元宮者興王之肇  
兆也惟初授命載告休徵權輿靈迹俶落祠宇昭彰於國史乃  
今昇平永配嘉瑞增修清廟大建闕宮明白於御碑因吾道爲  
天下程由茲地爲天下式非夫至道執能預之哉皇帝御辯無  
爲齊心正一寤寐有感髣髴眞容昭孝孫之精誠貽烈祖之元  
訓開元得聖象天寶護靈符丕慶再集而繁昌至教遂興而畢  
備祖崇册禮其高莫二袞龍克光於像設冕旒追尊於帝位雖  
漪邠商頌生人周雅儔之於昔今則過焉於鑠茲山會神之寓  
西對姑射北隣天樹實通仙之秘府也正殿肅穆廣庭森沈峯

巒左右松柏交陰總虛无以靜深也石壇重堦瓴甃環甃隱訣  
參伍洞章護三元表辰八月降誕每至是日展法於斯修金籙  
齋啓玉帛印道家之寶王者之儀靡盛於此矣乃開乾門闢坤  
戶氣宏廣莫風和不周八卦行乎其中矣仰列宿躡魁劉落日  
淪陰夕時沆瀣六甲佐乎其旁矣仙侶頌次羽人步虛朝拜九  
天醮祠五老想鈎陳則黃雲匝覆存太一則白鶴來翔其餘侍  
香金童傳言玉女縹緲煙景徘徊元空求之希微宛如契合夫  
惟鎮皇極叶時邕外以廓清萬里蠻夷向化內以乂安兆庶年  
穀滋稔滅格擇興昌光動植生成陰陽氣茂利兵所指則戢干  
戈靈官所臨則消疵癘矧感通上界神降祺福景命來假天子

萬年者乎觀主臣郭處寂虔恭是勤夙夜匪懈稟師之錄佩之  
嶽符躬執科儀爰謀法要開元十六載御題觀額因隸於茲廿  
五年上疏議齋帝俞其請於是內使高真自王城而至論言祕  
旨從天上而來諸侯肅臨郡邑藏事革故垣棟鼎新經像彤彩  
絕艷金光熒熒曾是所營曾是有成利乎永貞太守臣裴眺并  
寮屬等惟道孚敬誼形于政奉敷休慶聚合觀徒衆等皆相與  
遵乃宗極體乎自然熙澹漠於元和抃酌愉于大順微臣嘗佐  
汾邑親覩聖蹤強名道原用述眞宰從窅冥而辨物因象罔而  
得之其詞曰三炁之宗粵人元始朱靈丙午赤明斯起太上道  
君託胎洪氏後天合德其惟我李爰初啓運符命歸唐海縣攸

屬六葉重光天寶是應萬壽无疆大君推策考歷元陽空元之  
中自然妙有无鞅之衆勃勃珠口迎不見前隨不見後外物雖  
變我灑彌久龍角嵯峨肇興靈迹仙宮乃建清都伊宅洞裏天  
長寰中地隔皇矣大道臨下有赫金籙秘訣玉京元言陞壇之  
禮衆法之門聖祖貽訓來告孝孫于茲授命永保元元克昌乎  
後大度常孝刊此樂石以奉至尊天寶二年歲次癸未十月景  
寅朔十五日庚辰下元齋建押衙兼殿中侍御史楊公實衙前  
將金紫光祿大夫試鴻臚卿齊志英親事將金紫光祿大夫試  
少府監王元押衙登任郎前臨汾縣主簿呂式承務郎行晉州  
錄事參軍潘昭前鄉貢明經方叅從矩等侍從禮謁尊容奉義

郎前絳州萬泉縣今從矩鄉貢進士方郢前鄉貢明經方回攝  
觀察巡官宣德郎前守幽州錄事參軍蕭存古攝觀察巡官宣  
德郎試司農寺主簿魏元膺攝觀察推官宣德郎試大府寺丞  
賜緋魚袋王文簡攝團練判官朝散大夫前殿中侍御史內供  
奉蕭齊觀察推官給事郎試大理評事兼監察御史賜緋魚袋  
盧撫觀察支使試洪文館校書郎賀壯惠觀察判官將仕郎試  
大理評事武恭監工者圖畫其形狀具表上聞乃刻碑陰用傳  
不朽內侍省内府局丞張今綰 等同檢驗所植柏樹高下葛  
蔓尺寸仍今上柱國賜緋魚袋吳再和左神榮軍監冶使朝議  
郎行內侍省尊像遂與監軍使朝議郎行內侍省内府局丞員

同正員上宗枝謬當廉察聞斯靈跡心不違安乃首擇吉日禮  
祈 故知歷數昌期懇不可算帝王符契自合元經寰忝列職  
當大歷十四年三月曾生一枝已備圖牒當今年三月又生一  
枝聖祚于百萬年矣上元之意必將使茂聳貞固樹之無疆滋  
蔓龍鳳交貫垂于廟庭次生新枝有以表異然後登龍角昇華  
池陟林嶺瞻翠見瑞柏之奇狀審修葛之延長高祖太宗高宗  
中宗睿宗元宗六聖之眞廟靈感昭發休光動天子神山慶唐  
觀大聖祖元元皇帝禮成謁于廟使檢校左散騎常侍兼御史  
大夫賜紫金魚袋李寰齋沐虔祠皇上御宇之三祀春三月旬  
有八日

記

五代周

唐晉州神山縣玉兔寺現身羅漢記

王福新

長安二年春刑部尚書李景授河東路巡撫使點檢本路諸州公事與副使王永曙同巡至平陽謂太守錢光演曰僕昔于萬歲通天二年仲冬之末充河東路巡撫使巡至此郡因覩太守杜承衍示已奏表本叙玉兔觀羅漢現身化道首蔡仙靈等令迴觀爲寺并杜公自悟宿緣之事僕聞奇異亦欲至其靈域焚祝歸依用祈祥福今再屆舊理重任前資喜溢卑懷復瞻勝事欲命使君同陪至彼祠宇求福祈恩時錢公遵奉臺命隨共至

浮山縣志

卷四十 藝文上

二十二

玉兔名藍歸依事訖遍歷觀瞻乃登迴閣四顧遠山天色晏然雲霞并息迴首東望遙見風穴山東白光似雪遠色如霜凝然上貫青霄移時轉美李王二使謂使君曰不委此山之東有何怪異白色遐彰卓然貫碧遂立遣急馬往探之數騎奔騰人速似電行至縣東大衛庄東上風穴山半路逢樵叟樵子各擎擔斧行急空迴探馬人軍喝而問曰如何行速空擔迴此山之東有何怪異樵叟陳文一樵子李八兒曰今此風穴山東約數里餘有大林鬱下有三澗水三澗水東北山脚下有一美貌奇僧引十餘大虎頂放白光遙舒手喚樵人陳文一等來來與吾于玉兔寺報李尚書王太傅錢太守三人但道玉兔觀上現身者

羅漢今在風穴山東三澗水畔東北山根禪樂庵前大林鬱內  
要與公等相見我欲報尚書等因此行急不負薪來探馬人等  
將樵夫二人同來共報尚書等遞相謂曰奇哉聖德爰肅整軍  
戎躬親瞻禮欲見聖容不避駟馳三公共詣庵前拜首歸依願  
宣召意時聖者語公等曰吾姓楊氏父任青州刺史心懷純善  
性敏仁慈至孝奉公憐憫孤老母姓尚氏常好持齋不能不裝  
朝夕事佛吾年十二愛慕空門不戀浮花志求出離私自逃外  
遠至南岳山禮大禪師乞爲弟子至年十六得預緇流寅暮修  
禪好勤齋戒歷及四歲轉復堅持只於是年十一月八日明相  
初現頓然大悟便得神通飛騰往來全無滯礙山崖石壁江海

浮山縣志

卷四十 藝文上

二十四

深淵要去依心不能攔溺又以宿命智力憶昔無量歲前出家  
苦行并住坐之所白兔寺基兼憶同修寺者信士杜承衍如同  
昨日故現神通親來化導又令玉兔觀察仙靈等亦識宿命捨  
觀爲寺各求解脫復使杜公曉悟前因了知福果大事化訖便  
欲歸真又復遙覩風穴山東十餘大虎爲孳傷人積年妖異若  
不降彼轉更爲灾故現神通親到被尋隨順化都監寺顯教辯  
才法師法昌奉依聖者遺語錄寫于庵壁之左是歲季春十八  
日聖者歸真之際後于清泰乙未歲正月十八日獵人郭遇郭  
欽王思溫徐守元等四人因趁白兔入于孔穴之內以鑿掘之  
崖摧之後見有庵門緊閉之開門之訖得覩聖者全身如在後

于庵壁之左又見聖者遺語恐壁壞復隳因重錄之永傳不朽  
時顯德五年歲次戊午閏十月也

金

重修天聖宮紀聖碑亭記

唐革隋命起義太原撥亂反正與殷湯周武匹休比隆歷禩三  
百而受命禎符吉由聖祖太上老君當高祖太宗之時凡五示  
聖容于平陽浮山縣境每遇征討預報捷期即建置廟像高宗  
乾符元年策號太上弑元皇帝逮明皇朝大闡祖風改廟爲觀  
榜曰慶唐備極壯麗視亳州明道宮洛都北邙上清宮等矣仍  
勅晉州節度爲檢校慶唐觀使帝重念神降明出偉事也口授

浮山縣志

卷四十 藝文上

二十五

訓辭瓌瑞也假晉民吉善行往來通報吉類也貞觀中喬雲泊  
于廟宇垂拱中慶雲涌于神座重代鴻懿也蒲萄附柏起根裊  
蔓植物合異也稿木枯枝更生連理華茲蕃熾也舉是六者作  
紀聖銘樹豐碑立言灑翰俱出宸造法奎圖之呈象煥雲漢之  
成章三著支離銀鈎粲爛又得它山之石實種元氣之精秀稟  
生金潤全蘊玉繇開元十七年迄茲僅五百歲無纖瑕點翳叩  
之清音發越猶霜鐘雲璈誠難得之貨希世之珍也碑陰並列  
一時臣佐姓名勅左相燕公張說題御製御書字勅集賢學士  
翰林院應奉朝議郎贊諭皇太子兼侍諸王文章呂向寫碑陰  
姓名年月故老相傳石自長安護載及此理或有之舊蓋碑亭

經久隳毀觀門知事道士閻師一等掄材選工不日興起其翬飛綺錯之狀與碑爲稱焉來謁記文因具述之金明昌三年歲在壬子季夏望日承務郎前太常博士兼校書郎雲騎尉賜緋魚袋致仕平水毛麾謹記門人鄉貢進士孔之固書丹

重修帝堯廟記

范囊

帝堯之德在人何其深且久也雖百世之下愚夫愚婦亦知敬焉孔子曰唯天爲大唯堯則之夫如是堯亦天也天之道動之化之生之成之其功德昭著不可誣也祀之南郊迎享祈報天亦未嘗不享答焉則堯於民亦何異乎天哉古之祭法有大功德者皆載在祀典况堯也其德蕩蕩其功巍巍宜乎萬世祀也

浮山縣志

卷四十

藝文上

二十六

當光宅天下之時乃命羲和欽若昊天以授人時命羲仲宅嵎夷以毀仲春命羲叔宅內交以正仲夏命和仲宅昧谷以殷仲秋命和叔宅朔方以正仲冬四海運若神之智萬國被如天之仁帝皇治定之術天人交感之道著若畫一經制民常自天地開闢以來帝堯始正矣後世君天下者悉法堯之道而致於治所以順之則興背之則亡故孟子曰不以堯之所以治民者治民賊其民者也萬事能遵守其道涵養百姓百姓常安家被其賜此其所以與天無異也帝堯在位凡九十八年而崩百姓悲哀如喪考妣三載四海遏密八音何恩化所及之遠也然則堯之德不可殫紀昔吳季扎聘魯聞歌唐之詩乃曰思深哉其有

陶唐氏之遺民乎由此知遺風在民深且久也全晉之地至今勤儉豈非聖人之化遂與 誠而不可移也神山縣東有堯山柏樹森然回還十數里其嶺有堯祠在焉卑陋不庇風雨兵入之後愈見墮摧甚不稱所以祀堯之意也縣宰牛公承直下車之初被府檄令再完葺公遂勸率縣民使量出已財成茲美事且舊國舊都民戴遺澤未嘗敢忘公之令下一境之人皆翕然而樂從之不獨新其廟又比舊增廣甚多仍於正殿之前特起禹舜二殿巍然相對其後則建后妃之殿大門峙立長廊翼如計一百四十七間又以餘財於廟前之南叢柏中起亭一所榜之曰歲寒亭傳云歲寒然後知松柏之後凋也是亭之名蓋取

浮山縣志

卷四十 藝文上

二十七

於此將以遺後官及縣民四時奔走香火之餘而游息於其上以此見公之用心爲歲寒也廟旣落成命余記其事僕雖荒陋然與公爲至友不可固辭兼嘉公重飭是廟大合衆心與夫費四方民力民財修建淫祠者固有間矣於是乎欣然書之大金皇統三年歲次癸亥正月三日

明

浮山縣公廨記

張 昌

明天子肇造洪基一新寰宇立綱陳紀表正萬邦內而朝省臺院外而分司州縣凡堂暑公廨或因或革咸命新之非特以聳人之具瞻壯都邑之偉觀蓋欲維新一代之制度恢張一代之

政治也平陽府屬邑曰浮山僻在東山中土厚而民質地狹而民儉世傳以爲有堯之遺風爲政者苟能善其政教以導之則其民樂生興事趨義向化特易焉耳洪武二年春汴梁徐君秉彝以才選來丞於茲兵亂甫平庶事草創君以精勤之學盡心殫力晷月而政始有緒顧惟舊廨卑陋穿朽意欲新之復以歲荒民疫莫遂厥願繼聞有命即鳩材庀工度設計程不急不徐民皆子趨仍故基拓而闢之爲正廳五楹退廨如堂之數賓幕三楹左右案房儀門鼓譙鱗次而起其規制不溢不侈不華不樸一適厥中俶工於五年七月之首訖工於十二月之尾旣落成徐君馳狀來請記昌自洪武三年得請於朝歸老鄉土嘗至

其邑見其田野闢人民聚吏畏法而不敢肆士循規而不敢嬉令行禁止庶務幹集固已知其賢令新此廨居於斯萃於斯出政令於斯聽獄訟於斯正欲與其僚吏同寅叶恭謀謨於一堂之上思其所未至行其所未盡勉其所未及朝夕惕勵益舉其職而終其緒豈徙高其堂崇其座作威自尊以爲一身之榮貴哉必也推已之安使人亦遂其安度已之勞使亦體其老正已以率下持綱以御衆俾事物號令一歸於理合於宜則居是堂也仰不愧俯不忤從容委蛇於其間又何意外之足慮哉否則蹙焉有不能一朝安者矣安也蹙也無他公私勤惰而已噫後之繼政居是堂者請其繹乎斯文洪武五年十二月記

東要村重建后土廟記

縣令 王 綸

天地開闢清濁奠位陰陽五行流動充滿於兩間化生萬類亘古迄今而最靈者莫先於人而所以陰翊默相保障護持乎吾民者亦莫先於神神其造化之顯著者乎經曰鬼神無常享享于克誠此可見神依乎人人依乎神陰陽動靜相爲表裏乃天地之正道聖賢之正典窮天地而不可改易者也浮山縣治之東相距廿里許山岡巉巖道里險峻形勢地也元至正間鄉民會構后土泊湯王廟歲時致祭以祈豐穰而東西所建俱鄉中好事者所爲有漢壽亭侯之祠有山庄土地之祠有子孫聖母之祠又有伯王聖王青山水草泊馬司皇之祠大要皆報本之

浮山縣志

卷四十 藝文上

二十九

意而不能自己之正理使然也夫豈無名之淫祠邪自正統年間兵燹之餘廟宇化爲瓦礫之場止存基址而已環居者惆悵靡依報本之意奚自而伸宏治五年義士張本同姪義官張琮偕耆老趙信善念舉而重建之遂廓大其規模恢洪其基址正有廟堂中則后土光澤之像左有商成湯右則漢義勇而東西環列者俱前所謂諸神也事竣之日上舍公因請予記勒之金石予惟神依乎人則禦灾捍患歲時熙恬神曷負於人哉人敬乎神則廟貌巍峨香火源源人豈可以背本邪此陰陽表裏動靜消息果孰得而易之乎因銘曰山水蒼茫廟奠崇崗風雲旋繞厥靈孔彰歲時享祭報本之常神人依伏降之百祥宏治十

一年戊午季春望後一日

重修濟瀆廟記

陳大統

邑之東南十八里許有濟瀆廟是廟也中鎮在其北龍角在其南左據太行右瞻姑射清溪環繞於前碧山高聳於後四顧峯巒勢若拱疊可謂佳矣然僻處東隅周王馬跡不至謝公屐齒不及焉其廟正殿三間左湯王祠右子孫廟有池迺濟瀆也方五丈深一丈多有靈異凡邑之旱澇疾疫禱之輒應四方之人赴者雲集意誠者投楮於池雖少必收怠者雖多弗納以此人無敢謾焉按莒志濟水出王屋山頂崖下既見而伏今此亦有之浮之去王屋遠百里山川聯絡豈其支流與廟之創始莫詳

浮山縣志

卷四十 藝文上

三十

何代元至正五年已葺修矣據今筦二百載是呂棟宇朽壞墻壁傾頽神暴露於風雨中見者嗟歎嘉靖戊戌滑臺睢公欽承聖天子明命來宰是邑公曰宏博之學剽劇之才治此斗邑何異建翎二載之間廢興弊革利作害除完逋租曰足國用飾城隍以衛蒼生抑豪強理冤滯宿蠹藏奸披露首服易窮困爲豐盈轉呻吟爲歌舞矣暇日詢訪遺漏因知是廟喟然歎曰事神恤民我之職矧濟爲四瀆之一應祀之神可坐視其廢而不之修乎乃捐俸金之餘以倡之又命耆民楊世華高繼彪陳孝三人等募緣以助不逮興工於戊戌之十月落成於庚子之八月世華等謁予請文勒石以示諸後予維事之興廢有時焉使岳

陽樓不遇滕子京豈不爲邱墟洞庭之濱乎茲廟不值我公不爲瓦礫之場於山巔乎是廟固大有所遭而公之賢不於斯而益彰哉廟原有地一凹所以供神之香火也予因其請用紀其事之初終云嘉靖十九年庚子冬仲月

浮山縣弘修廟學記

孔天胤

浮山縣學宮嘗毀於元季地震之災時聊且修復規制甚陋入本朝二百餘載因之而已廟則正殿五間東廡七間缺西廡而戟門臨街嘉靖辛卯始補建西廡七間學則明倫堂三間在廟後西北隅無臺基階序止有東西兩齋而傾地特甚庖宇臧室俱已朽壞凡祭祀賓宴講學行禮率藉草依壁不蔽風雨隆慶

浮山縣志

卷四十 藝文上

三十一

壬申密雲左公桐來宰是邑慨任舉修議捐俸募工佐貳某等亦捐俸從之由是師生與士夫及鄉之義民胥起輸助資用既足乃請於監司修吾馮公暨順菴胡公二公並見許可命省祭官周其經總其事以萬歷甲戌之春改建文廟五間東西各七間明倫堂五間東西齋各五間前建戟門五間門前建櫺星坊一座中鑿泮池舊有民居插廟之右堂之前茲則易買其地遂得展修蓋相其陰陽審其相背改偏而爲正補缺而爲全秩秩其有條翼翼其有禮也弘曠典於幾墜隆軌物於方新且費出於義而民不擾力成於信而民不勞實一舉而三善備焉乙亥之秋師生勒石考成遙請余記余謂國之大事在祀與教朝廷

以一邑付之令誠欲其恭敬明神宣序人紀非徒簿書期會而已也故善爲令者惟是之慎以仰承之今左君初政而舉其大余何言哉然亦有說以表其用心昔周衰道塞吾夫子定正六經申明五典以垂訓萬世使萬世之下知先王之大經大法天理之所以不昧人心之所以不死者皆至聖之德也是故作廟以崇其報建學以闡其教虔祀者有司之事有其舉之莫敢廢由教而入者章縫之業其可廢乎故宜窮經以證心學之源篤倫以致良知之實然而有不行者智愚胥失之矣有不明者賢不肖胥失之矣然賢者可挽而中愚不肖可導而上也其他歧者惑也捨眞而遂妄徇物而喪心者惑之甚也盍亦反其本乎

反本心學也千聖一心萬古一道也堯舜之道孝弟而已矣孝弟仁也仁吾心也存之微乎其微發之其不顯也故曰人皆可以爲堯舜羣情見頹垣傾棟則慘見修則欣見修之一新則大快顧吾自有其身而不修與修之而不反求諸心以求日新之益是之謂不知類矣茲蓋賢有司之心同志者之願勗云因記及之以告執維

清

重修明倫堂記

張令名

浮邑學宮創始不知何年歷代相沿以至於明洪武二年又重建焉後雖屢有修葺不過稍爲補塞迄今歲月積深風雨摧剝

棟宇將頹而椽吻半折當余先君致政歸里時仰止歛歔亟欲作振起計因宦淺囊薄不克首事居無何竟成賫志余家密邇宮墻托聖賢之啓牖襲祖宗之餘蔭父子兄弟叨列儒紳繼承之思固未嘗昕夕置也第數年來旱蝗相尋兵燹旁午會逢鼎革忽焉如夢心血家計幾同瓦解謀生不贍遑及廟貌乎比來幹止頗寧幸值我關東楊夫子愛士若蘭視民如子甫下車即以修葺相諭且捐俸金作多士先噫嘻夫子之命也亦余先君之志也爰以斯堂自任其大成殿櫺星門翼墻掖門以及圍垣俱楊夫子之獨任至啓聖泮沼齋廡戟門鄉賢名宦義路禮門遜以爲諸君子地敢貪人功以爲獨有乎將次落成竊以賢侯

之雅意足多前人之遺志難忘雖多事之後不敢愛卷石於泰山也脫曰邀惠冥冥賈譽卿曲則鄙之乎窺余矣若乃天眷我後衣冠奕世而紹書香者容留意茲事則斯堂固屹乎克壽我先君崇儒重道之懷借以永存余小子紹乃先業之意斯又余意中事而不敢知者也謬爲誌順治四年孟夏月

關聖廟碑記

秦紹襄

正氣之在天地則爲日星河岳在人則爲聖哲忠義在鬼神則爲明赫英烈凡所以紀陰陽之運實幽明之理者莫不皆鬼神之爲而鬼神中所謂英風鱗炳聰明正真亘天壤窮夷夏曠千古而流光者則莫若神武關聖之一人已其明威靈爽載在紀

錄今古爲昭聖惠神功與天無極即能言之士亦豈能於英靈浩蕩之下贊一辭哉嗟乎聖帝俎豆徧寰中尊親盡血氣累朝封號崇進有加非天下之至人爲聖哲忠義之所歸詎能與於斯人知其爲明爲赫爲英爲烈如日月之在天江河之行地抑知其生平之軼行至性夔絕倫類爲萬代所瞻仰者乎方其亡命奔涿識昭烈於塵埃傾蓋定君臣之分而授以肝膽死生之信以至間關於河朔顛沛於下邳戮力相從百折不易此其始終爲漢之心質之春秋大義其在王正月大一統之間歟蓋聖賢學宗春秋故其行事多與春秋合表三約於危難義無二信也脫孟德於華容服而舍之也絕婚於東吳無境外之交也抗

節於章鄉受命有死無賈也至於旗鼓相當之言與中原囊鞬之對英雄本色異代同符躬覽載籍心體力行昌明王義集春秋之大成是豈元凱以下所可及乎且其誅雄斬良秉燭封金聲震許洛威陵江漢英武廉節又有大過人者史稱其勇冠三軍有國士之風豈徒然哉而議者謂其義勇雄傑而短於謀善撫卒伍而驕於士大夫嗚呼是豈足以知聖賢哉大約稟剛大之氣者多不能柔克而亦無所事於權譎聖賢以坦懷正性待天下猶是趙武信以爲本之心也當其出師攻樊何嘗不留兵以爲備及遜代蒙卑辭自託帝方以小兒視之又以吳蜀正睦諸葛聖之報命未寒湘水界之盟約方固義堅同仇未有所嫌

豈能逆覩其有是耶抑當時之士大夫漸染於東京風物雖多  
曲謹儒稚無所當於王佐之期而其所接者又未必其極當世  
之選以聖賢曠度如天英略蓋世即有所驕矜傲睨於其間亦  
無足異在今日有志之士不能方聖賢之萬一於庸腐輩且或  
輕之而况大英雄之目空一世者乎邑之南偏有聖帝廟初自  
萬歷乙酉爲邑中正祀彼時聖帝尙爲英烈王歷歲頗深殿宇  
廊舍胥就傾圯雖亦徐爲補葺而浩大之工莫繼是用未訖於  
成已亥歲邑大夫楊公名世入廟興慨因捐施修葺銀若干兩  
爲士民倡乃謀於本邑社人博集衆緣大施丹雘數年來未成  
之工不踰期而告竣則楊公董率省試之力烏可少哉今茲廟  
貌崇開神靈景焯福善禍淫於是乎在有奸雄過此當仔細思  
量也凡我庶類其亦怵心於邪正之分禍福之應無爲聖帝之  
所棄可爾順治庚子歲中秋

文廟碑記

陸張烈

新夫子廟者張子淳菴也經始於康熙丙申壬辰月明年辛亥  
月而功訖殿若干廡若干明倫講學之堂游息之所若干增之  
修之櫺星之門數仞之墻左右之坊表高之廣之若干浚池之  
淤釁其罅漏使有停蓄而泮水可樂敬一亭北培基爲尊經閣  
西城之上創魁星樓巍然相望復列楹廟右入其租以資來學  
者所不逮良材美石蓋瓴級甃丹青黝堊之物百工之旣稟咸

倍其植邑之人爭奔走焉故成之速而爲之工浮闢地也斯廟之壯麗閎偉遂甲於三晉歐陽子有言曰學校王政之本也然則廟之新吏是土有政事之責者無所辭其任余濫官於此一年而成城二年而成倉舍獨夫子廟以其工之繁費之大也讞無力重以自媿且教化不先恐言之不信未與士大夫謀所以新之者張子起諸生非有陶猗之富毅然捐其私錢四五百萬以從其始也不因人之鼓舞其旣也無絲毫苟且粉飾之意以自隘其規模張子豈有所求無論力之所可勉與所不能爲悵者慷慨者皆拱手而讓其獨成嗚呼異矣今年正月九日張子以鄉薦赴禮部試學校之生某某等請余言以記余應之曰是

豈得張子意哉爲其事而要其名者必不待人之彰之元凱之所以銘功於二石也且張子之行事與其言語文章祖述先聖立意較然廟之新蓋發於心之默相通出於情之不自己不啻子孫煥其祖若宗之廟貌人即好名未有於祖若宗之事而要名者今諸生慟慟求記於余非張子意使余亦受不知張子之失也可乎哉諸生曰張子無求於名人皆知之往者平易道路東西朔南遠數百里近亦百里買民地之重價者闢之建休憩之亭以濟往來饑渴費不下數千金四方行旅賓客出其塗口碑載道而張子不伐其功且自諱況於夫子之廟向使張子愛其名則是記之請亦已久矣蓋某某輩欲請而見阻於張子屢

矣茲於張子之出也而丐一言以爲重非爲張子計名之久近誠欲使數百年後廟之新或有時而摧敗苟有力者咸知有張子之所爲且附某某名於後以見是是非非之不泯乎學校也余曰然遂書而立諸廡時康熙五十七年三月

刊先賢先儒履歷碑記

周毓正

人之垂大名於不朽播芳聲於靡窮者豈偶然哉其生平所樹立必關於世道係於人心者至深且遠也堯舜以來道統傳自孔子而孔門諸賢歷代諸儒又所以闡發聖人以衛道於無窮也故天下省府州縣各有專祀以事孔子而先賢先儒配享兩廡以有功聖賢特加尊崇爲萬世生民作則云爾乃其履歷載

浮山縣志

卷四十 藝文上

三十七

具典冊與夫傳記百家之書兩廡中止刻姓氏後之學者或無能窮經稽古春秋釋奠每拜獻其中有茫不知爲誰何人者又安能觀法興起以振勉於無窮哉浮邑峻翁張太老先生志行醇篤則古稱先凡益民社厚名教者無巨無細必躬爲之當司鐸刈陵時慨然以師道自任每念先賢先儒輒思表其履歷恐擇焉不精語焉不詳故蓄其志以有待也雍正四年間前學憲劉自尉州得其履歷百二十餘張刷刻行於三晉諭該學官吏照式設立木板置於先賢先儒神位之後浮邑亦與焉先生捧讀來文不禁輒然色喜也曰是誠吾之志也夫是誠吾之志也夫因捐已資獨力以舉又念木板之設易於漫滅恐無以垂於

永久乃不惜多費採取青石仍照式刊刻每位一副畢具無遺  
又考邑乘稽縣案文卷於鄉賢各宦亦照式以泐之今而後河  
山不改日月常新吾道昭垂千秋不朽矣勵學憲聞其事深嘉  
之採其碑摹手書志崇名教製匾以旌焉邑紳士又欲泐石以  
昭不朽余不揣固陋爲誌巔末噫嘻世之列通顯擁厚資斤斤  
焉爲一己之謀者何可勝道其奢侈豪華作無益以害有益者  
又比比而是先生在官在里善政行彝累累難述大抵皆本吾  
道以爲設施於先賢先儒相爲印可而此一舉也彰往垂來其  
關係於世道人心者尤非淺鮮可不謂有功聖學乎余固樂得  
而誌之因據實以書時雍正六年歲次戊申葭月

浮山縣志

卷四十 藝文上

三十八

浮山修城記

錢標

縣城自乙亥改築後視前頗卑隘加以風雨飄搖日益傾圮一  
二守土吏雖亦間爲修葺卒未獲克還舊觀夫城誠重事也春  
秋所必書昔宋彭大雅城成都府自侈爲蜀人根本大計浮山  
僻處一隅介萬山中社稷人民於是乎在而繇明季來垣墉摧  
毀樓櫓傾欹無復屹屹言之象迨國家綏靖萬邦垣墉壕塹  
碁布角峙浮山獨無以壯國威而昭大化固宦斯地者之責抑  
亦鄉大夫之恥也通議張公垚暨孝廉張公大統以薦紳家居  
閉門養望不一與外事獨念斯役於國計民生尤重特蠲數千  
金以飲其事又身任其勞祈寒暑雨不少息余時適以委署至

涖政之餘共爲區畫迄於今南北兩甕城胥易以甌儼然鎖鑰保障敵樓之腐者新之黯者飾之亦皆堅緻完好視昔有加而東西門之甕城之敵樓庀材鳩工且將次第具舉余於是嘉兩公之勤而益嘆浮山爲唐虞甸服地密邇神京右輔沐澤尤渥固宜人知好義家務急公而賢士大夫又以其敬桑梓之誼慨然想見古者金城湯池之義以勸聖天子久安長治之休余以五日京兆亦得藉手以告無罪甯非太平之勝事與

適然亭記

李允

余始至浮坐無臺椅臥無床席沐無瓦盆爨無釜錡惟案上仍有數十百年未了之積詞無情之訟獄不敢望適其適也期月

浮山縣志

卷四十

藝文上

三十九

後乃能閒步署左瓦礫藜蒿之蔭頽廐糞壤之隙得臺高丈許巔闊六七尺窠曰可登上有孤廬擊柝之所棲也椽壁漆黑戶牖漏污不遮風雨然四眺山光雲影環列異狀知相親愛者慨然曰嘻尙得一適其適乎乃命掃除稍塈治之欲作小額顏曰適然亭更綴以聯吏白無好木且刊製無工匠遂止不復計唯適然有之適然登眺之苟浮之民有不適於余者終不敢自適其適也公期三六九未嘗一廢放收經今三年矣竟三月無控訴登眺可得日日或曰是尙不可作顏額綴聯句造作兀椅樹植花卉飲賓客弄柔翰翫雲月破山顏乎余悵然久之慚謝曰斯亨也余旬月一登眺心日亦頗豁然近入歲來雲日暗淡山

在幔幕中鬱鬱愁無霽三月丁亥夜半地震不寒而慄屋土索  
索絡絡墜隕俄頃比戶魂悸聲沸滿城天地方且不適誰敢適  
其適乎余年七十有二慚懼蚊負行將歸老故不敢少一增飾  
於斯亭然攬勝莫若斯亭其東望大行西瞻姑射霍山屏其後  
二峯拱其前二峯者羊角哀左伯桃勅主東西二峯之神祠也  
後之君子出其所抱不患不什百於余俾浮之民盡適其適也  
登斯亭者惟見雲日瑞靄山容光霽婦子熙熙士盡絃歌何不  
可作顏額綴聯句造作兀椅樹植花卉飲賓客弄柔翰翫雲月  
破山顏乎何必余之在座也是不可以不記額無設書壁可乎  
乾隆壬戌榴月

浮山縣志

卷四十

藝文上

四十

蔬園記

張乾元

蔬園者駕部嵩麓君之別墅也駕部以弱冠登仕版名騰鷺序  
方冀以宇宙爲圃以古今爲臺以民物爲花卉草木經營布置  
灌溉滋培代天工而施雨露則先天下之憂而憂者自後天下  
之樂而樂顧乃於一鄉一邑選奇覓勝游目騁懷以自娛適乎  
哉不知存廓落之胸者忘情於勢位鑒知止之義者寄興於林  
泉故安石未出高臥東山彭澤歸來爰開三徑駕部之意蓋將  
希踪古人而姑托茲以寓其超曠之致也園在郭南距城里許  
後枕崇岡前臨巨澗山環水遶障擁屏連向也蔽以荒烟迷以  
蔓草狐兔之所經遊牛羊之所蓄牧道旁人無有過而目之者

駕部曰此佳址也曷往闢之於是命工師鳩匠氏取材於汾曲  
輦石於堯峯疊土增高功不虧於九仞相基築室期豈限於三  
旬園之後齋名曰退示恬退也亭曰陶然示陶泳自得之象也  
左東臯可以舒嘯右茅亭可以望月其下則有惜花之軒鏡心  
之亭竹鶴之屋矍射之圃藏春之塢高其閤以爲臺顏其堂以  
爲素迴廊曲徑畫閣雕楹舞榭歌臺鶴房鹿柴魚魚麗麗參差  
交映遊其中者目眩心迷如入武陵源別有天地焉至若峯聳  
鬱林之石岩穿蓬島之幽竹高君子之風松鼓大夫之韻柳拖  
青縷不減靈和桃露紅腮遙連洞口春葩發而江蘭湘芷並吐  
芳菲夏卉妍而婪尾姚黃爭誇奇艷榴火結珊瑚之珮桂英飄  
浮山縣志

卷四十 藝文上

四十一

月殿之香菊綻黃金依依籬畔梅凝白雪的的枝頭蓋一園中  
而四氣備百產齊物有大而可觀事因合而成賁宜乎遊人雜  
沓過客停驂而驚爲一邑巨觀也維時駕部日偕二三密友吟  
眺其中朝往暮歸無間風雨殆所謂煙霞爲侶邱壑爲隣者矣  
工旣成而屬余爲記余謂茲園也而以蔬名者何意其謙抑自  
處不敢侈爲遊覽之區聊以爲藝蔬之地云爾異日者駕部念  
切蒼生出而爲國家宣猷布績必且以宇宙爲圃古今爲臺民  
物爲花卉草木經營布置灌溉滋培代天工而施雨露其後天  
下之樂而樂當更有大於是者余又將爲駕部勗焉是爲記

重修關帝廟碑記

張 垚

國家祀典之重廟制之崇達於海隅遍於郡邑者 孔廟而外  
莫如 關帝蓋 帝之聖德神功照耀千古矧福國佑民屢彰  
靈應上自侯王君公下至驕夫悍卒靡不望門而志肅入廟而  
心虔殆所謂莫不尊親亘古一人歟浮邑廟址在南門內東數  
十步前明萬歷邑令王公重構寢殿三楹暨耳房各數楹至我  
朝順治十七年邑宰楊公復補葺大門花隔等處距今七十餘  
載歲久傾圮垣墻剝落椽桷朽頹匪惟觀瞻不肅亦非所以妥  
神居也 查 生長茲土瞻拜之際每怒焉於懷久欲更而新之今  
已年餘七旬慮願弗克酬 查 一人豈惟隕越是懼毋迺益滋隱  
疚以昭神羞用是捐貲擇於己未仲春之吉鳩工庀材經營度

浮山縣志

卷四十

藝文上

四十二

量採姑射之喬松劖堯峯之巨石仍其舊址畢者崇之隘者闔  
之朽者新之缺者補之上自殿宇下至門楣大而棟椽細及宗  
棖咸煥以輪囷承以金碧綴以琉璃輝以丹漆制度務極精詳  
規模必求美備工雖繁不暇計費雖奢不暇惜計自創始迄於  
落成約費二千餘金歷年餘而始竣是役也時和歲豐物無疵  
癘器不苦窳工不勸而自勤用不嗇而自足固人力之贊襄亦  
神功之默相自是 帝廟與 孔廟並著輝煌迴視向之敗瓦  
朽株今且雕楹畫棟矣向之頽垣壞壁今且雲甍玉砌矣雖  
帝之靈如日月經天江河行地無所不在而我將我享以妥以  
侑神其庶有寧宇垂成之後 查 嘗扶杖往觀顧而樂之既深喜

夙願之得酬而又以慶神之降福於浮邑士民者將未有涯涘  
矣乾隆五年季夏記

書

後漢

勸鮑永書

田 邑

愚聞丈夫不釋故而改圖哲士不徼幸而出危今君長故主敗不能死新帝立不肯降擁衆而據壁欲襲六國之從與邑同事一朝內爲刎頸之盟興兵背畔攻取湟城破君長之國壞父母之鄉首難結怨輕弄凶器人心難知何意君長當爲此計昔者韓信將兵無敵天下功不世出略不再見威執項羽名出高帝不知天時就烹於漢知伯分國既有三晉欲大無已身死地分頭爲飲器君長銜命出征擁帶士徒上黨呃不能救河東畔不能取朝有顛沛之憂國有分崩之禍上無仇牧之節下無不占之志天之所壞人不能支君長將兵不與韓信同日而論威行得衆不及智伯萬分之半不見天時不知厭足欲明人臣之義當先知故主之未然欲貪天下之利宜及新主之未爲今故主已敗新主旣成四海爲羅網天下爲敵人舉足遇害動搖觸患履深淵之薄冰不爲嘑涉千鈞之發機不知懼何如其知也絕鮑氏之姓廢子都之業誦堯之言服桀之行悲夫命也張舒內行邪孽不遵孝友疏其父族外附妻黨已收三族將行其法能逃不自詣者舒也能夷舒宗者予也

說鮑永書

馮 衍

浮山縣志

卷四十

藝文上

四十四

衍聞明君不惡切慙之言目測幽冥之論忠臣不顧爭引之患  
日達萬機之變是故君臣兩興功名兼立銘勒金石令聞不忘  
今衍幸逢寬明之日將值危言之時豈敢拱默避罪而不竭其  
誠哉伏念天下離王莽之害久矣始自東郡之師繼以西海之  
役巴蜀沒於南夷緣邊破於北狄遠征萬里暴兵累年禍孽未  
解兵連不息刑法彌深賦歛愈重衆疆之黨橫擊於外百僚之  
臣貪殘於內元元無聊饑寒並臻父子流亡夫婦離散廬落圯  
墟田疇蕪穢疾疫大興災異蠱起於是江湖之上海岱之濱風  
騰波涌更相貽藉四垂之人肝腦塗地死亡之數不啻大半殃  
咎之毒痛入骨髓匹夫僮婦咸懷怨怒皇帝曰聖德靈威龍興

鳳舉率宛葉之衆將散亂之兵歃血昆陽長驅武關破百萬之  
陣摧九虎之軍靈震四海席卷天下攘除禍亂誅滅無道一晷  
之間海內大定繼高祖之休烈修文武之絕業社稷復存炎精  
更輝德冠往初功無與二天下自以去亡新就聖漢當蒙其福  
而賴其願樹恩布德易以周洽其猶順驚風而飛鴻毛也然而  
諸將虜掠逆倫絕理殺人父子妻人婦女燔其室屋略其財產  
饑者毛食寒者裸跣冤結失望無所歸命今大將軍曰明淑之  
德秉大使之權統三軍之政存撫并州之人惠愛之誠加乎百  
姓高世之聲聞乎羣士故其延頸企踵而望者非特一人也且  
大將軍之事豈得珪壁其行束修其心而已哉將定國家之大

業成天地之元功也昔周宣中興之主齊桓霸彊之君耳猶有  
申伯召虎夷吾吉甫攘其蝨賊安其疆宇况乎萬里之漢明帝  
復興而大將軍爲之梁棟此誠不可已忽也且衍聞之兵久則  
力屈人愁則變生今邯鄲之賊未滅眞定之際復擾而大將軍  
所部不過百里守城不休戰軍不息兵革雲翔百姓震駭奈何  
自怠不爲深憂夫并州之地東帶名關北逼彊胡年穀獨熟人  
庶多資斯四戰之地攻守之場也如其不虞何日待之故曰德  
不素積人不爲用備不預具難已應卒今生人之命懸於將軍  
所杖必須良才宜改易非任更選賢能夫十室之邑必有忠信  
審得其人曰承大將軍之明雖則山澤之人無不感德思樂爲

用矣然後簡精銳之卒發屯守之士三軍旣整甲兵已具相其  
土地之饒觀其水泉之利制屯田之術習戰射之教則威風遠  
暢人安其業矣若鎮太原撫上黨收百姓之歡心樹名賢之良  
佐天下無變則足以顯聲譽一朝有事則可以建大功惟大將  
軍開日月之明發深淵之慮監六經之論觀孫吳之策省羣議  
之是非詳衆士之白黑自超周南之迹垂甘棠之風令夫功烈  
施於千載富貴傳於無窮伊望之策何以加茲

論

宋

霍光論

蘇軾

古之人惟漢武帝號知人蓋其生平所用文武將帥郡國邊鄙之臣左右侍從陰陽律曆博學之士以至錢穀小吏治行獄使絕域者莫不獲盡其才而各當其處然猶有所試其功效著見天下之所共知而信者至於霍光無尺土之功而才氣術數又非有以大過於羣臣而武帝擢之於稠人之中付以天下後世之事而霍光又能忘身一心以輔幼主處於廢立之際其舉措甚閑而不亂此其故何也夫欲有所立於天下擊搏進取以求

浮山縣志

卷四十 藝文上

四十七

非常之功者則必有卓然可見之才而後可以有望於其成至於捍社稷託幼子此其難者不在乎才而在乎節不在乎節而在乎氣天下固有能辦其事者矣然才高而位重則有僥倖之心以一時之功而易萬世之患故曰不在乎才而在乎節古之人有失之者司馬仲達是也天下亦有忠義之士可託以死生之間而不忍負者矣然狷介廉潔不爲不義則輕死而無謀能殺其身而不能全其國故曰不在乎節而在乎氣古之人有失之者晉荀息是也夫霍光者才不足而氣節有餘此武帝之所爲取也書曰如有一个臣斷斷兮無他技其心休休焉其如有容焉人之有技若已有之人之彥聖其心好之不啻若自其口

出寔能容之以能保我子孫黎民嗟夫此霍光之謂與使霍光而有他技則其心安能休休焉容天下之才而樂天下之彥聖不忌不克若自己出哉才者爭之端也夫惟聖人在上驅天下之人各走其職而爭用其所長苟以人臣之勢而居於廊廟之上以捍衛幼冲之君而以其區區之才與天下爭能則姦臣小人以乘其隙而奪其權矣霍光以匹夫之微而操生殺之柄威蓋人主而貴震於天下其所以歷事三王而終其身天下莫與爭者以其無他技而武帝亦以此取之歟

序

漢

詩序小

衛宏

葛履刺褊也魏地陜隘其民機巧趨利其君儉嗇褊急而無德以將之汾沮刺儉也其君儉以能勤刺不得禮也園有桃刺時也大夫憂其君國小而迫而儉以嗇不能用其民而無德教日以侵削故作是詩也陟岵孝子行役思念父母也國迫而數侵削役乎大國父母兄弟離散而作是詩也十畝之間刺時也言其國削小民無所居焉伐檀刺貪也在位貪鄙無功受祿君子不得進仕爾碩鼠刺重斂也國人刺其君重斂蠶食於民不

浮山縣志

卷四十 藝文上

四十九

修其政貪而畏人若大鼠也蟋蟀刺晉僖公也儉不中禮故作是詩以閔之欲其及時以禮自娛樂也此晉也而謂之唐本其風俗憂深思遠儉而用禮乃有堯之遺風焉山有樞刺晉昭公也不能修道以正其國有財不能用有鐘鼓不能以自樂有朝廷不能灑掃政荒民散將以危亡四鄰謀取其國家而不知國人作詩以刺之也揚之水刺晉昭公也昭公分國以封沃沃盛強昭公微弱國人將叛而歸沃焉椒聊刺晉昭公也君子見沃之盛強能修其政其蕃衍盛大子孫將有晉國焉綢繆刺晉亂也國亂則婚姻不得其時焉杖杜刺時也君不能親其宗族骨肉離散獨居而無兄弟將爲沃所并耳羔裘刺時也晉人刺其

位不恤其民也鴉羽刺時也昭公之後大亂五世君子下從征役不得養其父母而作是詩也無衣美晉武公也武公始并晉國其大夫爲之請命乎天子之使而作是詩也有杖之杜刺晉武公也武公寡特兼其宗族而不求賢以自輔焉葛生刺晉獻公也好攻戰則國人多喪矣采芩刺晉獻公也獻公好聽讒焉宋

爾雅註疏序

邢昺

夫爾雅者先儒授教之術後進索隱之方誠傳註之濫觴爲經籍之樞要者也夫混元闢而三才肇位聖人作而六藝斯興本乎發德於衷將以納民於善洎夫醇醜旣異步驟不同一物多

浮山縣志

卷四十 藝文上

五十

名繫方俗之語片言殊訓滯今古之情將使後生苦爲鑽仰繇是聖賢間出詁訓遞陳周公倡之於前子夏和之於後蟲魚草木爰自爾以昭彰禮樂詩書盡由是而紛郁然又時經戰國運歷焚書傳授之徒寔微發揮之道斯寡諸篇所釋世罕得聞惟漢終軍獨深其道豹鼠旣辯斯文遂隆其後相傳乃可詳悉其爲註者則有犍爲文學劉歆樊光李巡孫炎雖各名家猶未詳備惟東晉郭景純用心幾二十年註解方畢甚得六經之旨頗詳百物之形學者祖焉最爲稱首其爲義疏者則俗間有孫炎高璉皆淺近俗儒不經師匠今旣奉勅校定考案其事必以經籍爲宗理義所詮則以景純爲主雖復研精殫思尙慮學淺意

疏謹與尚書駕部員外郎直秘閣臣杜鎬尚書都官員外郎祕閣校理臣舒雅太常博士直集賢院臣李維諸王府侍講太常博士兼國子監直講臣孫奭殿中丞臣李慕清大理寺丞國子監直講臣王煥大理評事國子監直講臣崔偓佺前知洛州永年縣事臣劉士彥等共相討論爲之疏釋雖上遵睿旨共竭於顛蒙而下示將來尙慙於疏略謹序

清

龍角山二峯神碑序

康玉川

粵稽西漢興高祖王諸王子弟楚元王得獲列侯封都彭城以好賢聞天下士多依之者秦有左伯桃羊角哀皆當世名儒聞

浮山縣志

卷四十 藝文上

五十一

之願以身委焉左自積石山來路經古雍暮雨求宿於羊氏之書屋適天一雨三日二人言志甚合遂盟爲生死交左昆羊仲繼叙皆失怙恃左曰親俱往矣曷共出而圖吾君也於是同往歷晉絳行至此山中雨雪盈尺計不獲兩全左曰金盡裘敝其如路雪疊嶂何願併衣糧於弟以子之學而適楚有杞梓矣吾死於此得窆可也羊以爲不義旣而彼此相讓不已左語羊取石火燃枯枝以禦寒及獲見左赤身臥雪衣糧在旁驚曰吾兄何至此極也曰吾西來勸弟同往楚不幸中途爲風雨所阻此吾天命當盡若久留此恐俱不免勿遲回以誤大事羊急持衣扶入枯桑中而左已絕羊拜泣數行下欲自盡念兩人無一知

者俱立敝矣因堅忍一時隱許以終義泣負衣糧而去至楚蒙  
上大夫裴仲試其賢薦於元王哀首獻十策皆切當時之急務  
王嘉納之拜爲中大夫翌朝哀以併糧之事奏乞假爵葬再拜  
痛泣曰臣非義兄無以至今日一時君臣聞之莫不感泣王允  
奏仍封亡桃與哀同爵跡其處桃亡顏若生葬祭已畢羊於享  
堂中夢左曰感弟奏請爵葬亦已足矣但墳與荆軻墓相連每  
夜執劔憤激移瑩羊覺以詢居民果松陰有荆軻墓墓前有廟  
曰此人昔刺秦被戮緣何葬此僉曰土人高漸離以軻友入秦  
得軻骸負歸葬此羊入廟數之曰子受燕太子托刺秦王亦義  
烈也然卒無以保身而濟君又奚取焉雖爲強鬼敢與吾兄仁

義廉潔之士相抗衡乎乃左屢報如前越翌日羊上表謝楚王  
至左墓大泣曰兄捐生以成弟名弟貽兄以死心不安且不忍  
此當併力驅遂強魂以報吾兄併糧之義輒拔佩劍自刎是夜  
雷電交作戰聲聞數十里土人欽其義遷軻廟於龍山之陽翼  
之人祀春秋焉其事遂兩全楚王聞而感之加封上大夫勅賜  
廟額忠義之祠自後唐高祖用師於此雨雹助破劉黑闥上有  
華池將軍神字遂勅封山川風雨神歲四月八日享祀於華池  
山上每植亢暘祈禱無不甘霖沾足宋封東峰左爲嘉潤侯西  
封羊爲孚祐將軍歷元迄明清因之祀典式隆焉

玉川康子曰載聞禮曰能禦大菑則祀之能捍大患則祀之

茲華池山東西二峯神者生有氣誼死有節烈祀典列存非  
誣也夫跡其行事困約相資達能烈報逞逞得之長老傳聞  
由天漢至今尚有涕洟者非金石之衷光同日月烏能聲施  
後世哉稽傳紀有戰國燕俠荆軻一事其義氣奮發至於雨  
雹勒字以助唐威又其靈爽照著者也厥後禱雨協應歷有  
紀銘洵能禦大菑而捍大患者乎歷代禋祀功德固宜也後  
之人其感茲按期而虔俎豆也俾無斃康熙元年冬十月

辨

唐

辨惑

李翱

王野人名體靜蓋同州人始游浮山觀原未有室居縫紙爲裳取竹架樹覆以草獨止其下豺豹熊象過而訓之弗害也積十年乃構草堂植茶成園犁田三十畝以供食不畜妻子少言說有所問盡誠以對人或取其絲約酬利弗問姓名皆與或負之者終不言凡居二十四年年十二貞元二十五年五月卒於觀原茶園村人相與鑿木爲空盛其屍埋於園中觀原積無人居因野人遂成三百家有尙怪者因謬言王野人旣死處土陳浮山縣志

恒發其棺惟見空衣翱與陳恒相遇問其故恒曰作記者欲神浮山故志云然元和四年十一月翱以節度掌書記奉牒知循州五年正月准制祭名山大川翱奉牲牢於山致帝命遂使斲木爲棺命將吏村人改葬野人遷於佛寺南岡其骨存焉乃立木於墓東志曰王處士葬此削去謬記以解觀聽者所惑

注

後魏

水經注

酈道元

黑水出黑山西逕楊城南又西與巢山水會

山海經曰牛首之山勞水出焉西流

注於瀉水疑是水也瀉水即巢山之水也水源東南出巢山東谷北逕浮山東又西北流與勞水合亂流西北逕高梁城於汾水

銘

唐

堯銘

貫休

金册昭昭列聖孤標仲尼有言巍巍帝堯承天眷命罔厥矜驕

浮山縣志

卷四十 藝文上

五十五

四德炎炎堦莫不凋永孚於休垂衣飄飄吾皇則之小心翼翼  
秉陽停毒不遑暇食土堦苔綠茅草雪滴君既天賦相亦天錫  
德轉金鏡以聖繼聖漢高將將太宗兵柄吾皇則之日新德盛  
朽索六馬罔墜厥命熙熙蓼蕭塊潤風調舞擊干羽囿入芻蕘  
既玉其葉亦金其枝葉葉枝枝百工允釐享國如堯不疑不疑

贊

漢

帝堯贊

曹植

火德統位父則高辛克平共工萬國同塵調適陰陽其惠如春  
巍巍成功配天則神

霍光贊

班固

霍光以結髮內侍起於堦闈之間確然秉志誼形於主受襁褓  
之託任漢室之寄當廟堂擁幼君摧燕王仆上官因權制敵以  
成其忠處廢置之際臨大節而不可奪遂匡國家安社稷擁昭  
立宣光爲師保雖周公阿衡何以加此然光不學無術闇於大  
元

浮山縣志

卷四十 藝文上

五十六

體陰妻邪謀立女爲后湛溺盈溢之欲以增顛覆之禍死纔三  
年宗族誅夷哀哉昔霍叔封於晉晉即河東光豈其苗裔乎

華池廟贊

李天喬

神之乘龍兮來自穹蒼巍然當座兮萬夫瞻望聽視藏否兮祕  
密難量榮之即應兮淑靈孔彰覩其功德兮炳日之光仰其廟  
貌兮白雲之鄉觚稜崔巍兮鳳舞帷幕森陰兮龍藏崑山之石  
兮玉爲礎豫章之材兮虹爲梁俯瞰井邑兮下土宮移兜率兮  
上方司曹居職以匡輔兮兩廡分列以鴛行夜有幽冥之刑兮  
搖金鐵之鏘鏘民皆得其露宿兮竄貪餐之豹狼山鬼號泣兮

月滿長廊徒隸怪狀兮呵禁不祥神儀莊肅兮畏以秋霜歲祀  
豐美兮濟濟皇皇咸被其祐兮百沴自禳事之千秋兮壽隆而  
康至元二十七年孟秋下旬三日

明

霍光贊

王世貞

於赫孝武光承炎漢皇輿四闢兆心中渙赤靈所綏天啓輪臺  
顧復冲子靡慰予懷爰諏誓御爰及博陸溫恭朝夕執事有恪  
光拜稽首讓於日碑乃抱孺子乃撫蒸黎民母枕革以即衽席  
工商流通農蠶舉職褒節尙璽遏封外人孤誠上假立排三親  
再霈鴻慶再罹大喪九有晏然四垂不崩黜昏立明阿衡是法  
浮山縣志

卷四十 藝文上

五十七

勳塞宇宙忠昭日月孽由女作禍自勢萌黃賜未乾赤族已成  
乾戒亢龍坤稱牝馬無成有終臣訓千古

暴侍郎昭贊

王世貞

於赫秋官有侯有暴暴司采訪以燕事告候曹六師無絕甬道  
斷舌餘聲壯心猶跳

義士羊角哀左伯桃墓贊

并序

徐良彥

羊角哀左伯桃爲死友聞楚王賢往見之道遇雨雪計不俱  
全乃併衣糧與角哀入樹中死贊曰

生則兩死死則一生含笑入樹何友非身樹則摧殘墓亦滅沒  
先生之神獨耀今昔仰止高風愧此隙未予立貞珉匪捍樵牧

傳

明

刑部尚書暴昭傳

雷禮

暴昭山西平陽府浮山縣人洪武中以薦舉授北年布政司參政二十八年陞都察院左副都御史二十九年陞刑部尚書三十年五月奉旨取大誥條因附載於律名曰大明律誥上御午門諭羣臣曰朕有天下倣古爲治明禮以導民定律以繩頑刊著爲令行之已久然而犯者猶衆故於聽政之暇作大誥昭示民間使知趨吉避凶之道古人謂刑爲祥刑豈非欲民並生於天地間哉然法在有司民不周知故命刑官取大誥條因撮其

浮山縣志

卷四十 藝文上

五十八

要畧附載於律凡榜文禁例悉除之除謀逆并律誥該載外其雜犯大小之罪悉依贖罪之例論斷今編次成書刊布中外令天下知所遵守刑期無刑庶稱朕恤刑之意六月署政平訟理二旛諭罪囚上諭昭等曰人言法家少恩此後世用法之過故有是言朕觀唐虞之世好生之德洽於民心安有是言哉爾等每論囚引至朕前雖詳其致罪之由然一時裁決恐未得其情自今論囚惟武臣死罪朕親審之其餘不必親至朕前但以所犯來奏然後引至承天門外命行人持訟理旛傳旨諭之其無罪應釋者持政平旛宣德意遣之繼令五軍都督府六部都察院六科給事中通政司詹事府詳加審錄寃者即爲奏聞無寃

者實犯死罪以下悉如律其離犯死罪者准贖革除二年充探訪使至北平知有變亟歸言於朝靖難師入京執之不屈上怒命先去其齒次斷手足次斷頭而死

給事中韓公永傳

韓公名永山西浮山人一云陝西西安人建文間爲兵科給事中水豐軀幹美鬚髯音吐洪朗每慷慨論兵事建文帝喜之壬午六月北師克都城永與陳迪巨敬戴德彝等同以奸黨逮至欲官永對曰吾王蠋耳奚以官爲不屈死之時同約死義者三十五人惟黃福尹昌隆以歸命居官如故

文

宋

玉兔寺古碑遺文

安石

蓋聞壘土成臺尚獲九達之路聚沙爲塔猶登陸地之功所以樹立祇園開張淨土棲集四禪之衆闡揚二教之宗晉州神山玉兔寺者本玉兔觀也地勢平而千村繞梵音響而萬籟寂東望太行蜿蜒羊腸之道南瞻天聖依稀龍角之山始爲墟落場旋作煙霞地雖非鍊丹之井實爲放鶴之林大唐高祖神堯皇帝初起晉州受命符籙有中使韓兆者因持瑞節出使參墟北轅繞越於姑山駟牡漸歸於汾水忽有白兔起於馬前月宮散

浮山縣志

卷四十 藝文上

六十

彩房宿生輝爰爰之步徐自瑤室而來趯趯之姿不異守株而止感穹靈貺必效殊祥即命其徒四面圍逼茫茫禹跡徒追東郭之林臚臚周原突入山中之穴叫噪之下不知所之使遂還於大鹵郎面奏於當陽神堯皇帝以系屬仙源心存衛教方啓卜年之祚正膺受命之符乃命致祭厥所瀝青崇祀方陳掃地之儀潔白騰姿又見環山之影旣此雜沓復行奏聞四月五日有命自天俾於所見之地建立道觀一所即以白兔爲號青牛道士尋耕種玉之田紫鳳真人旋駐驂鸞之駕高宗天皇帝麟德二年四月八日其兔復見本道以聞上又遣中使致祭仍以白兔爲觀則天萬歲同天二年正月八日其兔又見履空而

行往來四隅不出觀所或騰或躍甯虞鞞上之鷹自西自東豈避雲中之犬平陽太守杜承衍亟聞其異親往觀之既非謬傳即具表奏時則天皇帝肇膺寶命初席蘿圖務安四海之心不偃一方之瑞即命中使王文泰躬至是郡令以網羅致之文泰奉勅躬來與羣守致祭其兔又見行跡如初於是大設置采廣張人衆斯兔既遭角逐旋即東奔我徒追之不睫而逸暨至神山縣西南隅墟落之地瞥焉罔從文泰等疑其隱在地中遽命畚鍤掘深丈餘天意人心果若符會即於其下獲玉石兔一軀光如皎雪瑩若壺冰分明蟾窟之形隱約充庖之象文泰等即時具表獻之於朝則天皇帝以事出非常目爲奇瑞即命建玉

兔觀與神山縣獲兔之地仍度道士三百餘人俾之洒掃焚修萬歲同天二年十一月十五日天清無雲四野凝映斯觀之上忽有羅漢現身毳衲披躬筇杖在手堂堂法相疑從十六座內分來穆穆睟容訝自五百尊中化出乃語道士蔡仙靈曰此非置觀之所奈過去世人壽二萬歲時有佛號迦葉當此之時此地乃白兔寺也吾於此時爲是寺之主由勤進道得証阿羅漢身汝等亦用前緣得居此地速改觀爲寺捐俗出家倘能共轉於法輪必得超登於彼岸蔡仙靈等並聞聖語深悟前因咸辭金闕於鰲頭共禮玉毫於鷲嶺煌煌羽服朝稱綠髻仙翁楚楚緇衣暮羨赤髭衲子聖者又語仙靈等曰今平陽太守杜公即

過去之時修白兔寺之施主也以崇二梵之果故得世爲公侯  
仙靈等既受聖言即告於杜杜公雖然驚其所述亦未謂之必  
然乃於仙靈等同詣珍祠共伸請禱俄而聖者復見威容儼然  
告諭之言一如向述杜公知三世之非謬念佛力之有緣聖曆  
元年正月十五日始下詔書改觀爲寺仍許仙靈等並祛剋帔  
悉度爲僧并賜絹千疋錢一百萬仍勅京都大禪師仁暎住持  
此寺割本縣二稅給其所用其後剃度數逾五百長安三年宮  
車晏駕本寺供給於茲始停自則天聖歷元年至我朝代數推  
傳三百載矣然而碑碣未立紀述無聞天聖八年寺僧京右街  
講論大德志應以事跡彰明存於藏教欲鋪陳於美實須煥發

於好詞以安石隸跡儒林棲心法苑述作之內輩流所推將刻  
他山俾之秉筆披文相質尙有愧於陸機比事屬辭豈無慚於  
江氏牢讓弗獲因爲銘曰佛滅度後法付何人藏教有言傳鉢  
大臣姑山之前汾水之濱塔廟相望輝光日新屬邑神山水深  
土厚龍角當前羊腸在後梵刹之內玉兔環走奇瑞殊祥千秋  
不朽厥兔之見彼汾之西爰爰雪皎耀耀霜迷中山可驗東郭  
斯齊使者中路茲焉盛兮大唐之季武德麟德二帝垂衣九圍  
述職珍禽奇獸殊方異域史不勝書萃於化國惟帝有命仙祠  
洞開依依紫府歷歷丹臺王桃旋植董杏尋栽雲鶴驟至松喬  
亦來萬歲同天年當武后聖者斯見雲中舉手迦葉之遺此非

觀有願改珍林備從靈鷲聖曆初年有命自天爰回玉洞俾作  
金田星冠盡掛月帔咸捐鐘梵既作招提宛然赫赫紺圍給載  
三伯實錄如左豐碑未立粵有苾芻志行堅密願刻他山永揚  
眞實大宋天聖八年歲次庚午五月十六日太原安石撰當寺  
修造主持東京右街講論大德志應建寺僧志深供養主僧志  
化樞密院學士左諫議大夫令狐杲節度推官宣奉郎試大理  
評事閻允矩西頭供奉官寄班祇候晉州兵馬兼押在城巡檢  
李知同直郎守縣令呂化兆縣尉朱垣朝散大夫試大理司直  
兼殿中御史節度判官尹覲 侍禁晉州兼監在城巡檢錢晉  
州管界巡檢孫杲朝奉大夫行尚書都官員郎通判晉州軍州  
浮山縣志

卷四十 藝文上

六十二

兼管內勸農使護軍吳 右祇候晉絳慈隰澤潞等州連太行  
路都巡檢使劉兼濟中大夫守光祿卿知晉州軍州事兼管內  
勸農使上柱國河南縣開府男爵食邑三百戶賜紫金魚袋趙

祭堯祠文

鮮于侁

車麟麟兮廟壘鼓坎坎兮祠下竿琴兮並奏潔時修兮虔祠事  
瑤華爲饌兮沆瀣爲漿象籩玉豆兮金鼎煌煌海珍野藪兮雜  
錯而致誠神之來兮風雨蕭蕭前驅於畢兮上有招搖羽材爲  
衛兮虹霓爲旗鳳凰左右兮擾伏蛟螭神之降兮金輿靈欣欣  
兮肸鬩德難名兮覆幬千萬年之不忘

清

勸賑文

朱軾

晉省連年荒歉哀鴻遍野聖主念切民瘼宵旰焦勞蠲賑頻加  
又發帑金遣使給散簡書到省一路甘霖大沛禾黍與翼民  
慶更生惟是節屆秋分正播種二麥之候念此枵腹殘喘何從  
購覓籽粒諺云一麥抵三秋倘種不及時或竟致拋荒民饑正  
未有涯矣因思北土飯以麩食爲主中人以上之家無不預備  
一歲之需所望分減糴殮貸此窮民麥秋倍還負者官爲追比  
於人有濟於已無損當亦仁人君子所樂爲者矣矧鄉先生功  
成名立優游林下自應爲聖天子少分饑溺之憂諸生讀聖賢  
書以利濟蒼生爲念施因近始至耦耕儕侶出入與俱何以人

浮山縣志

卷四十 藝文上

六十四

饑而我獨飽天道靡常能無瞿瞿前撫都院發簿勸捐慷慨樂  
從者不過數人餘皆觀望逡巡使者恐日久吏緣爲奸屢次出  
示戒飭又聞不肖有司時或指公勒借亦經示禁現在撫都院  
飭府勒碑永垂所以爲爾紳士富民計者不可爲不盡心矣今  
不勸捐金錢粟米而勸貸麥種倘有置若罔聞是鄉先生不仰  
體皇仁也士其名而市井其行也民不爲自計長久也亦大負  
撫都院及使者相愛之意矣陽虎謂爲富不仁如此等輩吾直  
謂之冥頑無知晉俗夙稱好義諒不出此恐榜示不能遍曉特  
差學役持刺奉勸其或貯積無多並望糴買借給來秋權衡子  
母悉照原價務期慨允迅發不勝翹企投刺人敢索毫釐查明

重處持啓時康熙辛丑仲秋

浮山縣志

卷四十 藝文上

六十五

狀

清

議減火耗狀

太守 章廷珪

查得平屬徵收耗羨向來輕重不一於雍正三年奉前院伊核定飭行自雍正四年爲始各州縣徵收耗羨槩以加一三徵收如向來原不及加一三者照舊徵收遵行在案是以臨汾襄陵洪洞趙城浮山曲沃翼城汾西靈石霍州等十州縣現在每正銀一兩加耗銀一錢三分太平縣每正銀一兩加耗銀一錢岳陽縣每正銀一兩加耗銀一錢二分以平屬而論原屬互異應請自乾隆丁巳年爲始臨霍十二州縣俱以每正銀一兩正加

浮山縣志

卷四十 藝文上

六十六

耗銀一錢畫一徵收永爲定例至零星窮戶應輸耗銀作何徵收之法查雍正十一年六月 戶部議覆安徽巡撫徐條奏將一錢以下之小戶每銀一分准完大制錢十文每銀一釐准完大制錢一文等因遵行在案應請嗣後凡零星窮戶完納錢糧其耗羨亦以加一徵收凡在二錢以內者俱准完納制錢但制錢時價不一應令各州縣每於月初將市集制錢時價核定每銀一錢該完制錢若干報明各憲於折封時令委員一併查明造報易銀起解倘民間情愿完銀者聽其自便不必拘定完納制錢如此畫一定例則永遠可以遵守是否允協伏候 憲臺查核批示非卑府所敢擅便也

辭

明

享滌河龍神辭

邢雲路

元氣赫戲飛龍在天靈洞元化德浹淵泉效仁合義介福在焉  
睽我甿庶惠我原田陽侯典澤畢野流川不雲而雨盈陌溢阡  
我稼既同登於百年民知報事敢替乾乾燔蕭薦鬯以達精虔  
樂動太和神應罔愆函蒙釐祉永世綿綿

浮山縣志

卷四十

藝文上

六十七

